

EPIPHANIA Ptolem. ubi suprâ, vulgò *Mapia* teste Cuspiniano, Nigro verò *Aman*. ¹ *Epiphanius* hujus Episcopus ibidem nominatur.

LARISSA Ptolemæo ibid. adhuc *Laris* dicta teste Leon. Sidon. ² *Diogenes* hujus Episcopus in eadem Epistola dicitur.

³ MARIAMA Ptolemæo ibid. *Magnus* hujus Episcopus in eadem Epistola legitur.

RAPHANEA Ptolem. ibid. ⁴ *Lampadium* Raphanæ Præfulem habet Concilium Chalcedonenſe.

⁵ SELEUCIA penes Belum Ptol. ibid. Seleucobelus Straboni, vulgò *Di-vertigi*. *Elias* Seleuciæ Antistes dictæ Epistolæ Synod. subscripsit.

BALANEA, quæ hac eadem pagina. Euphration δ ἐν Βαλαναίς apud Athanasium ad Solitarios pag. 812. ubi malè *Καλαναίς* editur. LUCAS HOLSTENIUS.

THEODORIAS.

LAODICEA Ptol. lib. 5. cap. 15. Metropolis dicitur in Notitia antiqua Græca Theodoriadis provinciæ à Syria extractæ, *Rhamata* Hebræis, vulgò *Lichè*. ⁶ *Stephanus* Laodiceæ Metropolis Theodorianorum Antistes in actis Concilii gener. 5. legitur.

GABALA Ptol. ibid. Gibel Guill. Tyrio teste. ⁷ *Flavianus* hujus Episcopus habetur in Epist. Synodica primæ Syriæ ad Leonem Imperatorem.

⁸ PALTOS Ptolem. ibid. *Sabas* hujus Episcopus est in eadem Epistola.

BALANÆA Ptol. ibid. vulgò *Valania* Nigro, & *Bagnias* Postello. ⁹ *Timothei* Balanææ Episcopi memoria est in Concilio Chalcedonenſi.

CILICIA PRIMA.

TARSUS Ptolemæo lib. 5. cap. 8. vulgò *Tarſo* Europæis, *Terassa* incolis, & *Terſia* Turcis. ¹⁰ *Lupus* hujus Episcopus subscripsit Conciliis Ancyrano, & Neocæsariensi, & *Theodorus* Tarſi Metropolis Antistes in Concilio Chalcedonenſi legitur.

POMPEIOPOLIS, quæ & Soloe Ptolemæo ibid. nunc *Paleſoli* dicitur. *Philomusum* hujus Episcopum habet Concilium Constantinopolitanum primum, & ¹¹ *Matronianum* Chalcedonenſe.

¹² SEBASTE, quæ & Augusta, Ptolemæo ibid. & Notit. antiq. nunc *Seveſta*

NOTE LUCÆ HOLSTENII.

¹ *Epiphanius &c.*] Eutychianus Concilio Chalcedonenſi Act. 6. Eusebius Constantinopolit. 1.

² *Diogenes &c.*] Patrophilus Constantinopolitano 1. &c. Meletius Episcopus subscripsit Chalcedonenſi Act. 6. pro se & Domno Apameæ Metropolitano.

³ *Mariama Pt. ibid. &c.*] aliis *Μαριάμνη*. Cyrus in Synodica Concilii Constantinopolit. sub Menna, & Ætherius ipsi Concilio subscripsit Constantinopolitano, Paulus Chalcedonenſi Act. 6.

⁴ *Lampadium*] *Ραφαναίων*. MS. Lat. Rafaneon &c. Zoilus in eadem Synodica, Basilus in Constantinop. 1.

⁵ *Seleucia &c. Straboni*] & Hierocli &c. Eusebius Seleucobeli Concil. Chalced. Act. 6. Marcianus Seleucobelitanus Constant. 1.

⁶ *Stephanus &c.*] Pelagius ejus Episcopo scribit Basilus M. Epist. 311. Theodorus adfuit Concilio Antiocheno contra S. Athanasium.

⁷ *Flavianus &c.*] Hilarius Episcopus & Confessor apud Photium in excerpt. Ephrai pag. 807. &c. Domnus Gabalientis subscripsit Constantinopolitano 1.

⁸ *Paltos Ptol. ibid. Sabas &c.*] Sabbas Act. 2.

Conc. Chalcedon. & Act. 1. in subscription. Conc. Constantinop. ubi Latina versio habet Palti primæ Syriæ, & sic Hierocles.

⁹ *Timothei*] *Βαλανέων*, Balanienſis MSS. antiqui. Act. 6. *Βαλαναίων*. MS. Latinus Balaneorum. [Concil. Chalced.] Act. 1. & Act. 6. adfuit enim Latrocinio Ephesino.

¹⁰ *Lupus &c. Neocæsariensi*] Antonius apud Philostorgium lib. 3. pag. 50. ex ejusdem Ecclesiæ presbytero Episcopus factus. Valerius adfuit Concilio Constantinopolitano sub Neſtario. [Theodorus &c. in Conc. Chalced. legitur] ubi pro se & suffraganeis aliquot subscribit.

¹¹ *Matronianum Chalced.*] Act. 6.

¹² *Sebaste &c.*] Hinc apparet Sebasten & Augustam diversas fuisse civitates, ut rectè Hierocles eas distinxit. Alexander Sebaste Tarſis (sic enim cognominatur) adfuit Ephesino Latrocinio Act. 1. Concil. Chalced. pag. 50. & ipsi Concil. Chalced. Act. 6. Diu ante Meletius *Σεβαστείας τῆς κατὰ Κίλικίαν* Episcopus ordinatus ad Antiochenam sedem translatus fuit, teste Nicephoro Callisto lib. 14. cap. 39.